

«Aellede billh!»(Meeht 28,5)

Nyjsenæjjah gïeh gâaroes kroepten gâajkoe böötin, govlin:
«Aellede billh!» Nyjsenæjjah billeminie gosse dam biëvnesem
govlin.

Daelie luhkiegovhte jaepieh vaaseme mænngan manne påaskide
Taiwanesne heevehtim.

Mannem bööreme dahkoe bāetedh hāalodh juktie Taiwanen
protestantihke āālmegi lij stoere jubileume.

Luste saerniem āālmegi bījre govledh. Åālmegh stuerebe jīh
stuerebe sjīdteme. Dej lin gellie skuvlh jīh skīemtjegāetieh, jīh
misjonærh lin raajeme gellie giefies laantide.

Ålvas jījnjh almetjh tjāanghkenamme stoere juelkietjenkere-
sæjjan gyrhkesjīdh voestes påske-biejjen. Manne edtjim påaske-
biejjiej bijpeleteeksten bījre hāalodh jīh eeremasth daaj baakoej
bījre: «Aellede billh!» Påaski biëvnese lea: Aellede billh!

Dah baakoeh hijven sjiehtin gosse edtjin ovmesse ietnie-gieline
laavlodh «Earoe Åajvan gie jaemedem hāājhteme». Manne hov
deejrim Taiwanen almetjh aerkie lin jīh billeminie bāetiej biejjiej
gielhtie.

Bāāhperim gosse vōöjnim gellie almetjh gīknjeldh tjelmiejgujmie
munnjien soptsestin mov hāalome dej vaajmojde dījpeme. Dellie
ussjedim, mejtie manne maam joem bāājhtode jeahteme gosse
dah sijhtin aavosne heevehtidh? Ijje! Dah sijhtin mannem gijhtedh
juktie manne guarkeme sijjiej aerkie lin jīh billeminie. Dah aerkie
lin bāetiej biejjiej gielhtie. Dej lij aerkiesvoete gosse edtjin
jubileumem heevehtidh. Mov gāassoehætēja badth munnjen
soptsesti: «Hijven mijjese dov hāalomem govledh. Datne hov

guarkeme guktie mijjeh billeminie jalhts aavosne libie.» Almetjh deejrin guktie faamohks laanti åvtekh tsæллоeminie jñh man stoere dåaroefoevh dej lin. Daelie gujht sagke vierrebe Taiwanese jñh jeatjah laantide sjidteme.

Fierhti påaski muvhth sijhtieh daejredh mejtie almetjh daejrieh man gielhtie påaskide heevehtibie. Gosse påaskide heevehtibie, dellie mujhtebe guktie Jeesusine sjidti Jerusalemmese paalme-aejlegen raejeste voestes påaske-biejgien raajan.

Påaskh leah mijjen bijre aaj. Påaski bievnese ij ajve vihkeles saernie. Ij ajve saernie man bijre edtjebe jiermestalledh guktie teologh ikteth jiermestalleme jñh edtjeh jiermestalledh. Jiermestalledh vihkele lea. Man gielhtie jñh man gaavhtan nimhtie sjidti.

Påaski bievnese mijjese gñeh aerkie libie, gñeh sorkeminie jñh aavodeminie. Almetjh giejtie Taiwanese gaavnesjim, mannem dan bijre ööhpehtin. Idtjin sijhth mijjeh edtjebe aerkiesvoetem åajaldehtedh gosse påaskide jñh gærhkoe-jubileumem heevehtibie. Dah jis sijhtin jiehtedh: gosse påaskide heevehtibie, dellie edtjebe aerkiesvoetem jñh asvem mijjen åssjalommesidie luejhtedh jñh jiermestalledh.

Påaski saernie lea saernine vuarkas almetji åssjalommes i bijre, almetji biehtemen, stuarehksvoeten bijre jñh guktie almetjh sinsitnien vööste nåakelaakan dåemiedieh jñh sinsitnem nuerhkieh. Påaski bievnese soptseste nåakevoeten bijre jñh buerievoeten bijre, jaemeden bijre jñh jieleden bijre. Påaski bievnese soptseste aaj man gielhtie maektebe aavoedidh jalhts billebe.

Påaske-bïevnese stööremes lea. Stuerbe goh ov-reaktoe jïh
dåaroe, stuerbe goh sårkoe, stuerbe goh jaememe. «Aellede
bïllh!»

Jïjnïh almetïh veartanisnie påaskide heevehtieh. Dej jïelemh
ovmessie leah. Læjhkan laavlobe «Earoe Åajvan gie jaemedem
håajhteme.

«Aellede bïllh!» dïhte jeahta gïese maehtebe leahtadïdh gosse ibie
guarkah man gïelhtie galkebe vaejvïedïdh jïh gosse ibie maehtieh
aavoedïdh. «Aellede bïllh!»

Maehtebe Jupmielasse leahtadïdh gie mijjese hïegkem vadteme.
Jaemïedistie jïh nåakevoeteste veaksahkåbpoe. Ìedtjem vadt
guktie maehtebe jaehkedh, håhkesjïdh, jïeledh jïh iehtsedh.

Daam jaehkebe gosse aejlïes maalestahkem byöpmedibie:

«Kristuse jeemi. Kristuse jaemïedistie tjuedtjeli. Kristuse bångstide
bångata.»

Earoe altasasse gïeriesvoeten gïelhtie gie veaksakåbpoe
jaemïedistie.

Lahkoe påaskh!

Olav Fykse Tveit

Nidarosen domprovstetjïelten bæspa. Bæspatjåanghkoen åvtehke